

# OMUKWETU

Registered at the General Post Office as a Newspaper

10c

IYALOO! IYALOO! KALUNGA NA HAMBELELWE SHO  
TWA MONO AASITA AAPE



"Iyaloo! iyaloo! Kalunga na hambelelwe sho twa mono aasita aape" osho omuwilikengeleka Kleopas Dumeni a lombwele ongundu yaantu ye vule 1700, mboka ya li ya kala moshituthiyapulo shaasita mEngela eti 6 Aguste 1978. Etumbulo ndika olya li aniwa lya popiwa komumbisofi Auala mEpangelongeleka, sho aasita ya konakonwa noya monika kutya ayehe otaa vulu okuyapulilwa oshilonga shuusitagongalo.

Mefano otamu monika omalupɛ gaasita 11 mboka ya yapulilwa oshilonga shawo komumbisofi gwa Elok Leonard Auala.

Aasitagongalo mbaka ondi inekela otaa zimine pamwe nomuprofeti Jesaya kutya:

"Olye ngo tandi mu tumu, olye ngo te tu yile". Ongame nguka tuma ndje.

# OMBILIVE YOMONTANEHO YA NYOLELWA NGOLONEYANDJAYI

Ovenduka 5-6-1978

Heinz Hunke  
P.O. Box 2149  
Ovenduka

**Omusimanekwa, omupanguli Steyn  
Ngoloneyandjayi:**

Omusimanekwa,

Opo nda galuka ngashingeyi kOlundume lwaNamibia (kOwambo), notandi ku indile u zimine ndje, opo ndi ku hololele iitsa yimwe mbyoka nde yi gongele nkwiya.

Omaandaha, eti 29 lyaMai 1978, mesiku ndyoka aakwashilongo shika oonkwatwa 63 kwa li ya mangululwa mondjedhililo ndjoka yi li mookamba dhaakwiita ya South Africa, kOshakati, onda li nda pulakene komafatululo ngoka ga ningwa kO-radio Owambo pethimbo lyokweethiwa kwaantu mbeyaka, sha ningilwa poombelewa dhiilongo. Ooministeli dhomokabine te yevigumbo ndyoka okwa li dha tumbula, kutya aantu mboka oya hupithwa kaasolotati yaSouth Africa naashoka euliko kutya aasolotati mboka oyo aakriste, sho ya hupitha ngaaka aantu mboka kwa li ya kwatwa po ombambyona nenge ya pukithwa nomauvaneko giifundja.

Onda li ndi na uudhigu oku shi uva ko sho aantu mboka aniwa oya mangululwa ketanga lyegameno, ihe okwa li ye na okukalekwa mondholongo onkwawo yomookamba dhaakwiita uule wiiwike iikwawo itatu — ko taku tiwa oya hupithwa — okwa li ndi na okuuva ko mbala etompelo lyomafatululo goludhi nduka.

Onda li nda mono ompito yokukundathana naantu 10 yomumboka ya mangululwa. Yamwe yawo kakwa li taa vulu okupopya nemanguluko, mokuholokola shoka ye shi ningilwa, oshoka konima yokweethiwa kwawo, okwa li ya pewa mbala iilonga yokethiminiko, opo ya ka longe momapya gomalenga nosho ngaaka kwa li ye na okutegelela natango emangululo lyawo konima yiiwike iikwawo 4.

Okwa li nda vulu okupopya naantu 5 pomahala gi ili nogi ili nemanguluko. Ayehe, kakele kagumwe inaa pulwa owala kombinga yomatokolo gawo okuya kuAngola nonkene ya thika koongamba, oye e ya kwatha, nosho tuu, ihe manga omayamukulo gawo inaaga mbilipaleka aapuli yawo, aapolosi ya S. A., okwa li ya hepekwa nayi kaapolosi mboka, ashiihe shimwe omupolosi omuluudhe nenge omutiligane. Omahepeko ngoka ga li omadhigu oge ya kumitha nando yo ya tiwa "aamangululwa" oya dhengwa noongonyo nenge nuudhimbo womakenya, oya thangwa noongaku miityanathigo nopomahala galwe ngoka haga luluma noonkondo nokufikwa nomalusheno, noya endjelelekiwa kiiti uule wethimbo lyootundi sigo 4 mesiku.

Otwa lombwelwa wo kutya ndohotola ngoka e ya talele po nosho tuu omukuluntu gwaakwiita, okwe ya lundile kutya oyi iyamukula naapolosi nokwa lombwele aapolosi yaahe ya ningile we omahepeko, ihe konima sho omukuluntu a zi po omahepeko omadhigu oga tsikilwa. Mboka ya zi mo oya li yu uvite kutya yakwawo mboka ye li natango mondjedhililo yomookamba ndhiya, okwa li taa hepekwa natango.

Omusimanekwa ngoloneya, oto shi dhimbulukwa ndishi olwindji sho nde ku nyolelele nokuhokolola omahepeko goshiningilawina taga ningwa mevi ndino. Kombinga yandje otandi dhimbulukwa noluhodhi olunene keitulomo lyoye lyomambebeho gowala. Olwaali nda kundathana nangoye moshinima shika nonda ndhindhilike eimemeha noohapu dhoye ombwanawa, mpoka wa li wa lombwele ndje kutya omuhepekwa kehe ota vulu okutula oshinima she komeho goyeta.

Ondu uvite aniwa okukeelela iinima ya tya ngeyi, yomahepeko gaantu, osho wo omukalo gwokukeelela omalugodhi nenge elongitho lyekuni, ngaashi haye li luku, mboka handi ya faalele omatamaneko gandje uuna iilonga yiihuna ya tya ngeyi tayi ningilwa aantu.

Omusimanekwa, ngame otandi ku shilipaleke kutya oshinima shelongitho lyekuni onde shi tala oshiwiniyi notandi shi ekelehi nokuli ashiihe. Kombinga onkwawo omolwegameno lyuuthemba womuntu, ondu uvite okukalapo kwoye omusimanekwa mevi ndino SWA/Namibia, nani okwo o-sima noitaku kwatha sha.

Manga nda li natango kOlundume lwaNamibia (Owambo) onda tala komayamukulo gaantu yamwe kombinga yetseyitho lyoye, opo ku ningwe otundi yegalikano moshilongo ashiihe, oyendji oyu ulike okwaainekela nelimbililo oku ku limbililwa. Pomahala gamwe goongeleka, aantu oya pula ngele oto vulu oku ya pa ezimino, opo ya ka galikane wo pamwe naamwayina mbono ya kwatithwa koveta yoye yonomola 26. Yamwe ishewe oya pula ngele hangoye mbela wa li omukalelipo nomutokoli gwoonkondo ndhono dha longithwa okuhanagula po oomwenyo dhomathele ogendji mesiku lyElondo, mono mwa sile oomeme, ootate naamwameme aakiintu oyendji, aakwanezimo nookuume kawo, shoka sha etitha oluhodhi olunene mevi alihe nosho wo muuyuni auhe.

Yamwe oya li ishewe ya pula ngele hangoye wa li wa lombwele aanangeshefa yamwe mOvenduka, konima yoshiningwanima shiya, kutya Swapo oku na okudhengwa nokudhengelwa sigo ta tula po iikondjitho nenge te etha okulongitha oonkondo kwe molwaasho itee shi vulu we?

Oohapu dha tya ngeyi itadhi ka dhimbilwa nuupu nokumboka wo wa hala okuulukila kutya oye li mondjila, kutya ngoye owa thikama mondjila yawo noitaa vulu oku ku undula mo nomathiminiko gawo, nokutya oto ya vulikitha nongele inashi ningwa oto ya kombopo ayehe. Otashi ku kumitha mbela, omusimanekwa, ngele oku na aantu yamwe mboka itaaya galikana pamwe nangoye pamadhiladhilo goye? Nokuli naamboka yaa na ekwatathano na SWAPO oye na omaipulo kutya efatululo lye olya yooloka peni kundiyoka lyaSam Nuujoma, sho ta ti olugodhi olu na okutsikilwa sigo ombinga onkwawo tayi zimine.

Pamaiuvo gandje pamwe aakriste tashi vulika ya dhiladhile ohaa galikana Kalunga ngoka a sa sho ya dhipagelwa pomahala ogendji ngaashi puGuernica, Auschwitz, Archipelago Gulag, Katutura, Oshakati, Ogongo nupuCassinga. Esiku limwe tatu galuka shito nokugalikana kuKalunga omunamwenyo, kuHe yOmuwa gwetu Jesus Omunasareti. Etegameno lyesiku ekwawo lyeyumuko.

Gwoye Heinz Hunke

## ONKALAMWENYO OTAYI TU PULA SHIKE?

Shoka sha yela osho shoka, kutya, onkalamwenyo, otayi tu pula oshindji. Omunamadhiladhilo ge li nawa kehe, ota vulu okuninga omusholondondo gwiinima mbyoka okukalamweyo kwe taku mu pula, ngaashi yemwene ta vulu. Aakriste yaashi "aakriste" otaye yi tala ko paukriste. Ihe pethimbo oloyo tuu ndyono otatu dhimbulukwa kutya otu na okutsakaneka iipala iinyanyukwi niilulu, nando tse olwindji hasho twa hala.

Osha yela kutya eshito ka li li ngaashi kehe gumwe gwetweni a hala, oshoka hatse twa shita. Onkee nonkalo yetu tse yene inayi faathana esiku kehe. Oshi li owala siku nawa, siku nayi, nomonkalo yetu yene. Siku wa nyanyukwa, siku wa गया. Nena owa nyanyukilwa nguno, ongula koshipala shoye ngele we mu mono iti itsike ko. Ihe nando shi li ngawo, tse aakriste otu na okumbulukwa ando aluhe eitaalo lyetu muKristus nuudhiginini waKalunga mokutukaleka po. Onkee onawa tu dhimbulukweni aluhe omatumbulo ngaka:

1. Panga uukuume nakehe gumwe to tsakaneke.
2. Nengeneka oshipala shoye komuntu kehe nando shili oshidhigu okuninga.
3. Dhimbulukwa Kalunga okwa tegelela eteyo ewanawa tali zile mungoye.
4. Shika nenge tu tye kehe shimwe otashi tu nyenge owala ngele katu na eitaalo.

S.V. V Nambala

# OMUHUPITHI GWAANTU YETHIMBO NDIKA

Luk.4:16-22.

Aantu yethimbo ndika otaa yuulukwa noye li mokutegelela. Otaa yuulukwa ehupitho, otaa tegelele emanguluko. Akuhe otaku popiwa emanguluko, emanguluko. Ope na aantu mboka taa uvanekela aantu yethimbo ndika emanguluko. Otaye li popi lya fa li li popepi. Aantu osho taa tegamenithwa kokuma kwaa netegameno. Osoondaha yaAdventi otashi ti: Eyo. Mokati kaantu yethimbo ndika, omwe ya gumwe, a thikama e nembro miikaha, ota lesa. Embo ndyoka oloyo Ombimbeli ndjoka tayi mu popi. Oye Jesus a thikama mokati kaantu yethimbo ndika a kwata omauvaneko te ga gwanithile aantu yethimbo ndika. Aantu taa yuulukwa ehupitho otaa kala methimbo lyehupitho nolyemanguluko.

**Omuhupithi okwe** — ya, a longekidha ashike sha pumbiwa mehupitho lyomuntu gwethimbo ndika. Etilo enene olya kwata aantu ayehe ye li methimbo ndika aakuluntu naanona aayamba naatokele. Otu li methimbo ndyoka Jesus e li popi sho a ti: Aantu no taa sehakulo moku-tila no mokutegelela mbyoka tayi adha evi alihe, oshoka oonkondo dhomegulu otadhi kakama. Luk.21:26. Aantu otaa yuulukwa ohenda notaa yuulukwa ngoka e ya uviteko.

Omuhupithi gwaantu mboka taa yuulukwa opo e li, oye Jesus. Oye okwa tili-lwa Ombepo yohenda, oye ta eta ohenda kaantu mboka taa yuulukwa ohenda. Mokati kaantu yethimbo ndika moka taa pewa okwaanohenda omu na Jesus ta ti: Esilohenda lyandje oye ku gwana. Esilohenda lye itali gandjwa nokuyelekwa koshiyelekitho, aawe, ote li kupe alihe.

Omeho ge otaga tala akuhe. Ehepeko lyaantu alihe oli li momoho ge. Oye ote ku mono. Okwa nyolwa: Sho kwa mono ko oongundu dhaantu okwa li e dhi uvitile ohenda. Oku na ngoka e ku uvitile ohenda. Esilohenda to li yuulukwa oye ku etelwa kuJesus u li pewe kuye.

**Opo e li ta uvitha.** Okwa gwayekwa Ombepo Ondjapuki a uvithe. Okwa eta onkundana yehupitho noyemangululo muuyuni woonkundana dhaanoshili. Uuyuni woonkundana dhaa shi okwiineke-lwa. Muuyuni moka mu na aawiliki yopayuni taa iuvitha yo yene, taa itanga shoka ya longo shi noshilonga aniwa.

Jesus oye omutumwa gwaKalunga e ya okuuvitha. Aapulakeni ye oyo oolye? Oya tumbulwa moohapu ndhika, oyo "oohepele", mboka ya hepekwa palutu komavu nokomangelolo omakukutu. Oya hepekwa pambepe inaa pewa shoka tashi kutitha oomwenyo, oya hepekwa koombepe dhoondemoni pamikalo dhi ili no dhi ili. Oyo tuu mboka Jesus a tuminwa a uvithile. Ou shi shi ndishi kutya ngoye gumwe gwaamboka ya tuminwa Jesus?

Ngoye gwomongundu yoohepele. Dhimbulukwa, ino dhimbiwa megulu. Jesus ota uvitha shike? Ota uvitha "Evaangeli" oshitya shika otashi ti; onkundana ombwanawa, tayi pendutha enyanyu momupulakeni. Otayi popi shoka Kalunga te shi longele omuntu omunyengwi, ngoka e li methimbo ndika edhigu, omuntu ngoka ta hepekwa, Kalunga a tumu kuye omukwathi nOmuhupithi.

Meuvitho lyaJesus omu na shoka Kalunga te shi longele omuntu ngashi ngoye. Oohepele otaa uvithilwa Evaangeli. Pulakena shoka Kalunga ta longo molwoye. Jesus ota Evaangelitha uuyuni auhe naashoka Kalunga ta longo. Evaangeli lyaJesus olya etelwa uuyuni auhe, oshigwana shetu ashike, aawanawa naawinayi oya etelwa onkundana ndjika yehupitho.

Ombimbeli otayi ti; aantu oyendji oya gongala okupulakena Jesus, unene oohepele oyo tuu ya pulakene nokutaamba Evaangeli lyaJesus. Mokati koluhepo lwetu omu na omuhupithi ngoka te tu hupitha mo mulwo, oye Jesus a tumwa oku tu hupitha.

**Shoka te shi uvitha.** Oye okwa tumwa okwiigidhila oonkwatwa emangululo. Opwa kala ethimbo muAfrika aaludhe ya landithwa po noya falwa sigo kuAmerika aapika. Omukwaniilwa gwaEngland okwa penduthwa kOmuwa okudhimbulula kutya omukalo nguka omwiinayi, oye okwa tumu elaka akuhe nkoka kwa hulila epangelo lye ndyoka lya uvika wo kiilongo yomuushiinda, uupika u hulithwe po.

Onkundana ndjika oya li ya tya ngiini kaapika? Oh, elaka etoye. Jesus okwe ya okwiigidhila oonkwatwa ayehe emangululo. Oye ita igidha emangululo tali ningwa kugulwe, aawe, oye ta mangu-lula aapika. Ayehe mboka ya mangwa kuulunde, ya mangwa koombepe dhoondemoni emangululo lye ya po. Ombimbeli otayi ti: uupika woye wa hulu.

Otaku igidhwa emangululo lya ningwa notali ningwa kuJesus maantu yethimbo ndika. Oto dhimbulukwa Kalunga sho kwa tumu Moses a ka mangulule aantu ye muupika waEgipti okwe ya thigi mo tuu? Omuwa Kalunga tuu nguka okwa tumu kungoye Jesus e ku mangulule. Ota mangulula nota tokola onkandja kehe tayi manga omuntu.

Oomboka ya taamba emangululo ndika lya etwa kuJesus otaa vulu okutumbula pamwe nOmupsalomi ngoka ta ti: Omuwa sho kwa galula oonkwatwa yaSioni otwa li twa foonakuyaguma..... Eeno Omuwa okwe tu ningile iinima iinene otse notwe shi nyanyukilwa. Ps.126:1,3. Ope na ompito oonakuhepekwa ya pite mo mehepeko, oshoka Jesus e ya okutembudha mo oonakuhepekwa.

Oye ota tonatitha aaposi. Otu shi shi omuposi ita vulu okunyanyukilwa eopalo lyeshito ndika oshoka ke li wete. Ope-na aantu oyendji ya tsikithwa kuKalunga kuuyuni mbuka yo inaa yelwa kuuyelele tau zi mEvaangeli lyombili. Oyendji itaa mono nkene taa hepekwa kuSatana. Jesus okwe ya okutsikulula, okutonatitha mboka ya tsika ya mone ko. Okwa tsikulula aaposi yopalutu ngaashi wo mboka yokomwenyo, opo ya mone oshilonga she te shi ya longele. Tu mone atuhe Jesus nehupitho li li muye methimbo ndika. Oye ta piitha mo oshigwana oshiposi shi ze wo momilema shi ye muuyelele we kau wapa sha. Oye ota ku pula. Ou lwete ko sha? Momoho goye omwa gwa tuu iipakosolwa ngashi ya gu momoho gaSaulus? Hedha kuye ngashi omuposi mondjila yopuJeriko ngoka e ya kuJesus neindilo. Omuwa ndi tonate ishewe.

Ota hungu mboka ye na omwenyo gwa nyanyagulwa. Jes.61:1. Ope na methimbo lyetu aantu mboka oomwenyo dhawo dha mono oshiponga. Omwenyo gwa nyanyagulwa komaudhigu, ogwa thindwa pohi. Uudhigu womegumbo nosho tuu uudhigu womonkalathano yopondje yegumbo muushiinda. Omuntu okwa dhe-ngwa iilalo nomalaka kooyakwawo, unene kumboka e yi inekele oyo aakwathi ye oyo tuu ye mu etele uudhigu uunene. Pamwe ngoye gumwe gwaamboka ye nomwenyo gwa nyanyagulwa kushoka we shi tala sha ningilwa aantu oshe ku dhenge oshilalo momwenyo.

Owa tyololoka nowa kanitha etegameno. Mpaka popepi nangoye opu na omuhungi gwaamboka ye nomwenyo gwa fa gwoye. Okwa tumwa a hunge omwenyo gwa fa gwoye. Okwa tumwa a hunge mboka ye nomwenyo gwa nyanyagulwa. Tala sho ta hungu omwenyo gwomukiintu pomuthima gwaSikar. Tala sho ta hungu omwenyo gwaSakeus megumbo lye. Hedha kuye nomwenyo gu udha iilalo, oye ota aludha. Okwa nyolwa: Otse notwa aludhwa kiilalo ye. Omwenyo gwoye ogu udha iilalo yoondjo, oye okwa hala oku aludha iilalo yoye nombinzi ya tika okudhima po oondjo.

**Ota eta omumvo gweligolo maantu yethimbo ndika.** MuJesus otatu mono Kalunga a hedha kutse ta hangana natse. Oye ote tu taamba ishewe. Ohepele ngoka a kongo omakunde giingulu no ine ga pewa ota pitikwa okuya nokukuu-tumba poshililo pamwe naamwayina. Ito ligola sho to ithanwa sigo omoshituthi shehupitho methimbo ndika? Aaisrael oya pewa ompango kutya, omumvo omutiheyali kehe ogwo omumvo gweligolo koshigwana ashike. Taa dhimbulukwa sho ya manguluka muupika waEgipti.

Tala kep. 4

## UUKWATATU WASATANA

(etsikilo)

Antikristus itu ulike Kristus, ihe oti ulike ye mwene. Methimbo lyaAntikristus okwa pumbiwa eitaalo lyomuJesus lya kwata miiti. Ef.6:13-16.

Kaku na nando olye e thike peni ta vulu okukondjitha nokusinda antikristus noonkondo dhe mwene. Lagonene omasiku guudhigu mbuka otaga fupipikwa omolwaahogololwa, osho Jesus ta ti. Antikristus ota ka longa iikumitha ngaashi naanaa Jannes naJambres oonganga dhaFarao sho dha tsu ondumbo naMoses muEgipiti. Nosha yela kutya Antikristus ota ka pita po mpoka, pankondo ndhoka taka pewa kusatana, otaka ninga oshindji. Ehol.13:13-14.

Ngaashi muBabeli mwa li mwa dhikwa oshiyelekelakalunga aantu ye shi galikane, osho wo methimbo lyaAntikristus tamu ka ningwa. Nebukadnessar okwe ya lombwele nokwa ti: "Sadrak, Mesak naAbednego sho inaamu simaneka Kalunga kandje ne inamu galikana oshiyelekela shika shoshingoli nde shi dhike, omwe shi ningile owina?" Dan.3:8-25.

Ngele tatu lesa mEhololo, otatu adha wo nkene Antikristus ta ka galikanitha evi alihe li mu galikane peha lyaKalunga. Ehol.13:11-14. Ooitaali otaa ka hepikwa methimbo lyaAntikristus. Omuprofiti Daniel okwe shi mono kokule nokwe shi hokolola ngeyi. "Ongame nda mono oshilikama oshitine sha li sha tilika, noluniga ndwiya nde lu mono olwa kondjitha aayapuki nolwe ya sindi. Dan.7:19-22.

"Oshilikama nosha pewa oonkondo okupangela iilongo ayihe niigwana ayihe nomalaka agehe noye na oku shi galikana." Ehol.13:7-8.

Otapu ka kala uudhigu melelo lyomuntu guulunde. Ondu uvite olyo ethimbo Jesus e li popi sho a tile: "Otaku ka kala uudhigu inaa kala ko nale hela uuyuni wa shitwa, nongaashi itau ke ya we..... lhe omunelago oongoka ti idhidhimike sigo ehulilo."

Antikristus otaka holoka pehulilo lyomasiku. Aamwandje ethimbo ndika olyahuginina. Nongaashi one mu uvite Antikristus te ya muuyuni. Ano ngashingeyi oohantikristus oyendji oya holoka, opo nee mpoka tatu shi dhimbulula ethimbo ndika olyahuginina." 1 Joh.2:18.

Osha yela kutya ethimbo lyomukondjithi gwaKristus olya tameka, oshoka omandhindhiliko ge otaga monika mpaka naampeyaka muuyuni auhe, popepi nokokule. Oongeleka itadhi longo we nawa momoho guuyuni. Aavuthi itaa uvitha we evaangeli lya yela momakutsi guuyuni. Aawiliki yoongeleka oya ya kokule noshilonga shawo momoho guuyuni. Omolwashike? Omolwasho aniwa otaa ulukile aantu iinima yuuyuni nehumokomeho lyoshinanena. Omolwaasho taa ulike ashike koshinima shaa wetike.

JESUS KRISTUS OYE OMUWA, OYE OHELA NONENA NOSHIGO ALUHE. OYE OHOLE OYE OMBILI YUUYUNI.

Andola pu longithwe nando omwedhi gumwe taku uvithwa oonkondo nesimano lyuuyuni, andola ongeleka otayi pandulwa. NaAntikristus ote yi thula kothingo. Kalunga na pandulwe sho ta gandja omukumo kooitaali ye ya vule okupita momahepeko gaAntikristus.

### Tala kepanja lya landula



**Omusita Filippus Uusizi ngoka a langekwa kEpagelongeleka megongalo epe Uukwiyuushona.**

### Dha za kep. 3

Omumvo ngoka omapya itaga longwa, evi nali vululukilwe Omuwa. Shoka tashi mene momapya sho shene nashi ninge shoohepele. Aapika ayehe naa mangu-lulwe inaku kala omupika momagumbo galsrael. Oshoka omumvo ngoka ogwo omumvo gweligolo. Methimbo lyetu omumvo nguka ogwa etwa kuJesus. Jesus okwe gu uvitha gwa tameke mokuya kwe.

Otu li methimbo lyehupitho lya longwa kuGolgata. Olya pwa kehe ngoka ota vulu oku li taamba meitaalo. Otu li methimbo lyehupitho lyaantu yethimbo ndika. Omumvo gweligolo ogwa tameka kombinga yopambepo nombinga onkwa-wo yopalutu otayi holoka mbala. Otwalesha; Omeho gaayehe ya li mo oge mu tala. Tashi ti oya tegamena shoka e shi eta. Otaye shi taamba neitaalo.

Omeho getu atuheni naga taalele omutameki nomugwanithi gweitaalo oJesus. Jesus ota vulu shili okuhupitha omuntu kehe methimbo ndika nangoye wo oto vulu okuhupithwa kuye. Etha u hupithwe kuye.

**Efraim Angula**

**OONTOKOLWA DHOKAGONGILONGE-KIDHO KELONGELOKUMWE LYOONGUNDU DHI ILI NODHI ILI MIIKANDJOLO-NGA YA ELOK PAUTHO LYEPANGELO-NGELEKA NOPASHITOKOLITHO 361/197**

4.

Okangundu oka koneke kutya egongalo kehe otali tegelelwa li kale li na oongundu ndhi:

- a) Ongundumbimbeli moka aakuluntu ayehe yena okukala mo.
- b) Oshigongi shaagundjuka moka aagundjuka ayehe ye na okukala mo.
- c) Osikola yOsoondaha moka aanona ayehe megongalo ye na okukala mo.
- d) Olwiimbo lwegongalo moka aakwanegongalo ayehe, aanona naakuluntu ye na okukala mo.

5.

Oongundu dhimwe adhihe megongalo, odhi lile po okumwenyeka oongundu ndhoka dha tumbulwa metetekelo, ngashi:

- a) Ongundu yoomeme noyaalumentu, otayi mwenyeka ongundumbimbeli.
- b) Ongundu yaailongi aakriste, otayi mwenyeka oshigongi shaagundjuka.
- c) Ongundu dhaakongindjila nodhaanonagongalo, odhi lilepo okumwenyeka osikola yOsoondaha.
- d) Ongundu dhi ili nodhi ili dhoma-lwiimbo, otadhi mwenyeka olwiimbo lwegongalo.
- e) Ongundu dhilwe ngaashi: — Aaidhiliki, aapapudhuki, uudiakoni, Etumo, ongundu yegalikano nosho tuu, odhi lilepo okuyakula egongalo alihe.

6.

Oongundu adhihe dha tumbulwa hugunina odhi na okukala metonatelo lyelelogongalo naanaa ngaashi oongundu dhotango, onkee oontokolwa dhadho odhi na okutuminwa noku kolekwa kelelogongalo, niiniwe yadho oyl na okutseyika kaadhiginini yiiniwe yegongalo, yo yi mone ompito oku holokela momahokololo getaambo melongitho lyiiniwe momagongalo.

7.

Oonakukala moomwenyekingundu naadhiginine okugongala moongundu ndhoka tadhi mwenyeka koomwenyekingundu, opo einyengo lyomwenyo mongerki li kolekwe

Mokangundu mwa dhimbululwa iinima mbika:

- a) Aawiliki naa monenwe omakwatho gokuwilika.
- b) Okuhogolola aawiliki mboka ye na owino yokuwilika.
- c) Omawilikongundu mongeleka oge-ndji, otaga eta eipumomumwe lyoongundu.

Epangulo otali pangula. Oye=Antikristus. Ota kuthwa oonkondo nota hanagulwa e ta hulithwa nota, dhimwa po. Oshigwana shaayapuki yogwOkombandambanda tashi pewa oshilongo noonkondo nomapangelo giilongo yokohi yegulu alihe. Dan.7:26-27.

Ethimbo lyOmukondjithi gwaKristus o-lyokathimbo. Omukolokoshi, antikristus nota holoka ihe Omuwa Jesus note mu dhipaga po nomufudho gwomokana ke note mu hanagula po neholoko lyokuya kwe. 2 Tess.2:8.

Oshilikama nosha kwatwa nomuprofeti omufundja pamwe nasho oonguka a li ha ningi omandhindhiliko montaneho yasho, kwa hongololitha nago mbeyaka ya taamba endhindhiliko lyoshilikama noya galikana oshiyekela shasho, oyo ayehe yaali oyu umbilwa ye **NA OMWE-NYO** mefuta lyomulilo. Ehol.19:20.

Koneka nawa omanyolo omayapuki nke- ne taga popi koshilikama. Omuntu guulunde =omukolokoshi =Mwiinayi omu- nandumbo =Antikristus. Pamwe naye oshilikama oshityali. Omuprofeti gwii- fundja, kutya oyo aantu ngatse notaa longithwa kusatana, ndele egeelo ndyoka Kalunga te ya geele nalyo inali ni- ngilwa nando olye kombanda yevi. Sho taa umbilwa moheli ye na omwenyo, **nomalutu ngaka inaaga sa.**

Tseni aakriste aalanduli yaKristus, otu neni euvaneke lya kola tu shi ku li ine- kela. Ohapu yaKalunga ndiika yi li mo- kati ketu.

"Nonena otu na oohapu dhUuprofeti dha kola dhi vule dhonale, notamu opaleke ngele tamu dhi tala nawa, ongonyeke tayi minikile momilema sigo taku shi nonyothi yongula tayi pitile moomwenyo dheni." 2Petr.1:19. Omuwa Jesus okwa longekidha a mana. Okwa tuma omuye- ngeli gwe okuhokolola mbika momago- ngalo agehe. Ehala ewanawa lyaKalu- nga nolyesilohenda olyo ndika:

"Ongoye sho wa dhiginine oohapu dho- ntalanteni yandje nangame wo onda hala ndi ku dhiginine, ndi ku hupithe mo methimbo lyemakelo ndyoka tali ya kombanda yevi alihe okumakela oonaku- kala kombanda yevi. Ehol.3:10. Aaholike yandje, tu dhiginineni ehempululo lye- tegameno lyetu twaa na omatenguko, oshoka omuuvaneki oye omudhiginini.

Tu tonatelathaneni, tu kumagidhatha- neni mohole, nokulonga iilonga iiwana- wa. Twa iteke po egongalo lyetu yene ngaashi yamwe haa ningi, aawe, tu kumagidhathaneni nuunene sho tatu mo- no esiku ndyoka tali hedha ko. Hebr.10:23-25.

**Twa tala uukwatatu wasatana. Twa uvu elalakano lyaAntikristus. Twa uvu wo ehulilo lye. Twa koneke oonkondo dha- KRISTUS. Otatu zimine ihe kutya Kristus okwa pewa shili epangelo alihe megulu nokombanda yevi. Mat.28:18.** Omukwilta omukweni mekondjo

Titus Ngula



**Omusita P. N. Henok ngoka ya yapulilwa oshilonga shuusitagongalo pamwe naa- sitagongalo yakwawo 10, oye a li a ni- ngi euvitho moshituthi. Okwa langekwa kEpangelongeleka a ka longe Osikola yuusita kOjtjimbingwe.**

**PAULINUM**

Otandi inekele oku na owala aantu aa- shona mboka ya tseya kutya Paulinum oshike. Omolwomwaalu omunene ngoka inaagu tseya sha, onda hala ndi ya ho- lolele oshiholekwa shika oshinene.

Paulinum lyo lyene ehala eshonalela ndyoka li li oshinano shookilometa 70 mUumbugantu wokandoolopa okashona Karibib muNamibia.

Oyendji mboka ya talele po ehala ndika otaa hokolola nkene ya mono iihuna kokuligamena koondungu dhoondundu, aniwa pamwe taa mono ootuu taku adhi- ma uupeleki waPaulinum. Ihe ohaa ha- luka owala ya thika.

Ngele taku popiwa Paulinum okwa dhi- ladhilwa ehala mpoka aanasikola Aana- mibia taa dheulilwa Uuteologi nenge uusita. Ehala oli li moshitopolwa tashi ithanwa Ojtjimbingwe.

Ngele to zi kokule oto mono nkene eha- la lya siikilwa komano gomithiya ga ziza nawa, ashike ngele wa hala okugondja mo oto yagaya po manga shila. Popepi nosikola ndjika otapu monika omagumbo gAanamibia mboka ye li monkalo tayi gandja omadhiladhilo ogendji momuntu. Aluhe pamwe omuntu oto ya yeleke naalsraeli mombuga yaSinai ya tegelela okuya mevi lyeuvaneko.

Manga aantu yamwe taa ende miihauto nomoondhila, mpaka opu na aantu taa ende poombunda dhoondoongi nenge muutemba. Omahupilo otaa hupu ngaa miikombo nosho wo moongombe, ano kaye na omapya.

Kombinga yokUuzilo otapu adhika **osi- kola yOmbimbeli** moka tamu longwa aayakuligongalo aamati naakadhona. Po- kati koosikola ndhika mbali otapu adhika omatungo omakulu gaahongi yotango, ooHugo Hann naamboka ye ya landula. Omagulu gomatemala omakulukulu otaga monika natango mpoka.

Opu na iinima **iyali** ya simana noonko- ndo, oyo **oshigunda shoongombe** shoka sha ningwa nomamanya ga kola. Otapu monika wo **epopilongulu** ndyoka lya li lya longithwa kaahongi miita yawe naava- lelwamo. Inapu tseyika kutya iita mbika oya li ya etwa koshike. Yamwe otaa ti aahongi oya li taa gamene omaliko ga- wo gaa yakwe po, kAaludhe. Aniwa ombedhi lhayi yi moshiti.

Kombinga ihe yokUumbugantu otaku monika **omulonga omunene gwaSwakop- mund**. Omupya munene inagu mona efu- ndja nuumvo, ihe nando ongaaka otagu monika gwa ziza nawa **nomokati kagwo** omilunga ndhoka tathi dhiladhilitha o- muntu kehala Elim, nando omuntu ino li mona nomeho.

Ando tu tale ihe meni lyosikola manga. Shoka tashi nyanyudha unene **omutu- ngilo gwomagumbo gaalongwasita.**

Omagumbo oge lyaathane nawa popepi, naantu otaa vulu okweendathana nawa nuupu. Otashi vulika aanasikola ya kale metungo limwe yatano, ihe kehe gumwe oku li mokangulu ke oye awike. Ano omunasikola okwa mangulukila eilongo lye nenge evululuko lye pwaana epiya- yaganeko.

Komakuma goongulu otaku adhika wo omadhidhiliko gi ili nogi ili. Gamwe ogaJesus noshigunda shoonzi, gamwe ogaJesus ta aludha aavu. Shika otashi ulike shili kutya aantu oyi ipyakidhila niinima yopaKalunga.

Mpeyaka otapu monika wo **oshililo** shawo moka taa mono iipalutha ongula, omutenya nongulohi. Aluhe otashi nya- nyudha okutala aamati naakadhona, aa- samane naakulukadhi naanona, taa go- ngala notaa li pamwe.

Ombepo yuumwayinathana otayi pangele noonkondo. Shika otashi tu dhimbulutha kegongalo lyotango lyaJerusalem moka ayehe ya li ya gongala pamwe noya topolelathana shi thike pamwe.

Popepi noshililo otapu adhika wo **oo- ngulu dhomanongelo 4**, nando mbali adhike hadhi longithwa manga, nosho wo ongulu yomambo (library), moka aanasikola taa vulu okulesha omambo gi ili nogi ili moka taa teke uunongo tau pumbiwa.

Shoka sha simana unene osho **ongeleka** yaanasikola (chapel).

Kakele kuuwanawa wetungo, ongeleka ndjika oyi li olunza luuyamba kukehe gumwe e li muPaulinum.

Tala kep. 6

Owandaha otayi dhigininwa aluhe ongu-la nongulohi. Ihe yongulohi otayi gandja omukumo, oshoka aanasikola oye na oshimpwiyu oshinene nevi lyawo. Aluhe otaa galikana yaa na ezimbuko, okudhimbulukwa ongeleka yawo, Aanamibia taa hepa moondholongo, naamboka ye li momakuti omolwevi lyawo, aluhe otaku galikanenwa ombili nemanguluko lyashili lyAanamibia ayehe. -Omayehamo ogeni nogetu wo.

**Elongelokalunga:** Oli li oshitsa shopokati. Osoondaha kehe otaku monika oongundu ndhika:

(a) NIANION CHOIR, ongundu yaamati aagundjuka,

(b) COMMON CHOIR, dhi na oondjimbo tadhilongolitha omuntu megulu, ngoye inoo enda mo. Aanasikola otaa longitha shaashoka, ngaashi iiketala nosho wo oontunda.

Konima yelongelokalunga omusita aluhe oha piti mo tango e ta thikama posheelo, opo ihe ta minike kehe gumwe ngoka ta zi mongeleka. Aawe, osho shi li otaku tiwa holathaneni, oshokaohole oya za muKalunga. Uukriste muPaulinum ou na omwenyo shili. Kalunga na gandje aluhe oonkondo ye na hambelwe.

Kakele kaashika aanasikola otaa pumbwa wo aluhe **eidheulo lyopalutu**, opo ya dhimbwe noya mone evululuko kokwiilonga. Otamu adhika omaudhano gi ili nogi ili. Shika otashi ya kwatha okutunga ekwatathano pokati kawo naantu yomomudhingoloko gwaPaulinum.

**Osikola yo yene:** Oyi na aanasikola 37. Naambaka konyala oya za kongelegeka Oonkwaevaangeli muNamibia, ngaashi ELOC na ELK.

Aalongi mboka taa longo mo oye li 4. Oyo: Rev. Noabeb (omukuluntusikala); Rev. E. Nghikembwa; Rev. I. Hamunyela na P. N. Henok.

Nando ongaaka omwaalu nguka inagu gwana, Paulinum ota pumbwa natango aalongi.

Tu galikaneni ano epya lyOmuwa li mone aalongi, opo oshilonga shOmuwa shi ye komeho.

**P. N. Henok**

### OMBILIVE YA NYOLELWA OMUPANGULI M.T. STEYN

Otwa mono ontumwafo ya za kiilyo yongeleka oomwameme muNamibia (FELC-SWA) tayi pangula noonkondo komukalo gwa longithwa kuAmushangandjai gwa SWA omupanguli M.T. Steyn muNamibia nokutya okwa tidha mo aawilikingeleka yaali omusamane Edward Morrow gwa-Angilikana naFather Hunke gwaKatoolika.

Tse otatu tsu kumwe noongeleka oomwameme kutya itatu shi uvu ko no itatu shi itaale kutya ombili muNamibia otayi etwa komukalo nguka gwa longithwa ku M.T. Steyn.  
Geneva, 24 Juli 1978

Amushanga gwOngongahangano  
Carl Mau,  
muuyuni

**GENEVA:** Ongongahangano yOvakwaluther mounyuni oya twikila ekwatafano layo pokati kayo noshilyongeleka shomuEtiopia shedina, Evangelical Church Mekane Yesus, oyo i na oilyo i dule 330,000, nOngongahangano otayi twikile okuninga keshe tuu osho tai dulu okukwafela meinelafano nokukundafana nongeleka ei, osho hamushanga wOngongahangano yOvakwaluther mOunyuni, omushamane Carl Mau, a tonga konima yetalelepo laye mOkomitiye Omhitifi yongeleka ei mu-Addis Ababa.

**Okwa twikile ta ti:**

"Ondadulla okuuda omauyeleele mahapu kombinga yomalinyengo omuEtiopia omo eengudu domepangelo hadi holola eenghono nonghalo."

**Ongeleka yaMekane Yesus oya kongo ondjila yokuyakula oshilongo noya longa oshinakuwanifwa shayo okuudifa elaka etoye keenhele dipe.**

Omutumba ou owa ti, eengeleka adishe e di di li oilyo yOngongahangano oda pumbwa eitulemo mekwafelo, okukwafela ongeleka ei yaMekane Yesus.

Omundokotola Carl Mau okwa ti ongeleka ei otai kulu nopefimbo tuu eli.

Ongeleka ei otai longo shinakuwanifwa shopanghalafano, notayi kendabala okukwafa ovakwashiwana ovo va hepekwa kondjala, oyo ya etifwa po keteyo la nghundipala.

Ovanhu muEtiopia ova djuulukwa okumona ombili, nope na eteelelo moilando nomomikunda kutya ekondjifafano pokati keengudu di lili noku lili moshilongo otali ka xula po diva.

### MARTTI AHTISAARI

Omusamane Martti Ahtisaari ngoka u ulikwa e ya kuSuidwes oku na owino owindji kombinga yaAfrica noku na mo wo ookuume oyendji, muAfrica.

Omusamane Ahtisaari otaka longa nomusamane M. T. Steyn, amushangangoloneyandjai gwaSuidwes.

Omudipolomate gwokUuninginino ngoka a tseyi nawa omusamane Ahtisaari okwa ti: "Ahtisaari oku na ookuume oyendji muAfrica, noku shi oshindji koyaAfrica, oshoka muSoomi okwa li omukuluntu gwoshiketha shaanasikola Ayafrica.

Omusamane Ahtisaari oku na oomvula 41. Okwa hokana noye na omunona gumwe.  
Okwa valwa eti 13 Juni 1937 muKarelia muSoomi.

Momumvo 1950 okwa mono ograde mu-Oulo, nokwa kala omulongisikola mu-Oulo. Momumvo 1960 okwa yi kuKarachii kuPakistan oku ki ilonga uute-nologi.

Pompito yimwe okwa li omukuluntu gwehangano lyaailongi ndyoka hali sile oohepele kiilongo yilwe muuyuni oshimpwiyu.

Okwa kala wo nokwiindilila Aanamibia ekwatho mboka ya fadhuka po koSoomi. Okuza 1965-1973 okwa li oministeli yikwapondje yaSoomi. Opo momumvo 1975-1976 okwa li oshilyo shomutumba mo V.V.O. kombinga yaNamibia ngoka gwa totwa muLusaka shaZambia, okudheula aaNamibia kombinga yondiipangela nemanguluko lyawo.

### THE VOICE

**OSHIFO THE VOISE SHA LI SHA  
MWENEKWA ETHIMBO INAALI UTHWA  
NGASHINGEYI OSHA TSIKILE NOKULI  
NILONGA YASHO NGAASHI SHITO.**



Omundohotola Carl Mau Hamushanga wOngongahangano yOvakwaluther mounyuni.

# EHOLOKO LYA AHTISAARI OLYA HILI OYENDJI OKUYA KOKAPALE KASTRIYDOM

Aantu taa tengenekwa ye thike poma-yovi 10 000 sigo 12 000 oya li ya tsa-kaneke omusamane Martti Ahtisaari nongundu ye yaantu 50 pokapale koon-dhila ka J.G.Strydom eti 6 Aguste 1978 potundi onti 2 komatango.

Okuza pomweelo gwokapale opwa li pwa thikama aantu. Kombinga yokolu-lyo okwa li kwa thikama ongundu ya SWAPO nokombinga yokolumoho okwa li kwa thikama ongundu yo D.T.A.

Oongundu adhihe ndhika odha li dha yelula omapandela nomayimbilo oga li taga imbwa omanga aapolisi ye li koo-mbinga dhondjila oku kaleka oongundu pamwe.

SWAPO okwa li e telele aawiliki yoo-ndjimbo, opo ya wilike mokwiimbitha omaimbilo goongundu.

## HAMBA AAME ANDIKE NDI NA EENDUNGE

Vanamibia, onda kala nde mu fima-neka kutya nye omu na eendunge, ndele paife onde mu dina nee eshi tamu nyengwa okumona oshinima shi li koluhaela.

Epangelo letu olo la S. Africa ole tu shiiva nee nawanawa, nde fiyo omo-madiladilo etu nde tali mono kutya Ovanamibia ovalaule keshe eshi we va lombwela otava ti ashike "heeno, oshi li mondjila", nande oshi kale ngaa kokule noshili. Osho yo oto du-lu oku mu pikula ngaashi wa hala, hano ngaashi oshilongifo meke loye, ndele ye okwa efa po ashike ke na e shi ha anye.

Ame ou handi nyola, ondi udite nee ohoni okukala twa shiivikikika nga-ha meendunge detu. Eshi osho oshi-nima shi fifa ohoni. Omaundombwe-di moshinima eshi oyaa:

(a) Otwa itavelifwa kutya S. Africa ke na onyanya, nande vamwe otu na nokuli oivadi komalutu ya ningwa ko kovatilyane va S. Africa.

Nande fiyo onena eli ootate vetu noomeme ove li momaluhupo e lili na e lili, hava ende eendjila dile komalupadi, fimbo ovashamane novakulukadi volumbu hava ende momatu-wa matalala mboombo. Ootate noo-meme vetu, nge e na osheendifo sha-pu ombasikela oyo tai mu utameke. Ashike nee eshi tu shiivike oulai, o-twa itavelifwa nohatu koleke kutya onghalamwenyo ei oiwa ashike, fye hatu keme ngool

Komaplakate ga SWAPO okwa li kwa nyolwa ngeyi: "Nullity Steyn 's uni-lateral and Baised registration "na" We demand United Nations unbiased af-fective controle Namibia" (Hanagula po epangelo lya Steyn lyuumwene neisha-ngitho lyomakoto. Tse otatu indile eto-natelo lyoshili lyilgwanahangano mo-Namibia.)

Omaplakate go D. T. A. oga li ga sha-ngwa ngeyi: "We want to vote "na" Ahtisaari don't take sides" (Tse otwa hala eishangitho, naAhtisaari ino gama kombinga.)

Kehe gumwe a li mpoka okwa li a zala wo omuzalo gwongundu. Oongundu ngaa-shi NNF aniwa odhi itula mo SWAPO.

Pakutengeneka opwa li oopelesenda omilongo hamano ndhoka tadhi popile SWAPO, niihupe oya li aniwa tayi popile oD T A.

Omusamane Oiva Martti Ahtisaari o-kwa li wo a mono ompito okupopya naatoolinkundana yiifo yi ili noyi ili. Nokwa yamukula wo omapulo gawo ngoka ya li ye mu pula.

Omusamane Ahtisaari okwa pula wo opo a mone ompito yokupopya nongun-du yopolotika kehe, opo dhi holole omadhiladhilo gadho.

(b) Otwa itavelifwa kutya ehanganano lo-vakwashiwana SWAPO olo tali kon-djele ouwa woshili wetu atusheni moshilongo eshi, vati olo olovakomu-nishi nosho nee ngaha oshitya ovako-munishi osha ninga efano litilifa mu-fye naava tuhe shi eshi tashi ti, twa fa ngaashi naanaa okaana ka tila okatana komoilya nande nani okadi-la ashike ngaashi oudila vakwao.

(c) Otwa itavelifwa kutya ovanhu ava va tauka moshilongo natu ve li kale kutya vo kave fi ovamwetu novaho-like vetu. Fye vati natu hokwe ova-tilyane ponhele yovamwameme.

(d) Natu itavele kutya ova ka tala omau-ta ve uye ve tu dipae. Owa diladila ngoo shili ohole youdalwa noyouda-li i kufwe po kehongo?

(e) Otwa itavelifwa kutya S.Africa oye aeke muwa nomuyuki, pondje yee-ngaba daS.Africa omilaulu fokofoko, nonande omauwa aeshe nEvaengeli laKristus, noikutu hatu i djala noma-hauto hatu ende mo, neeradio hatu pwillikine (noFM), omashina okusha-nga, omashina okuninga oteya, oko hatu ende, omambakumbaku okuxupa omatale noinima aishe, ohai di pondje, ko koolongo oko hai di oko nee kwa ya ovana vetu.

(g) Omukabinete umwe okwa itavelifwa kutya ita dulu okupangelwa kuSam Nuujoma ehe shi epata laye nande Nuujoma owambulavo, ye a itaveli-fwa okupangelwa kuVorster ou nee mbela eshi epata laye.

(h) Ohatu itavelifwa ashike keshe oshi-ngudu (party) tashi totifwa keembu-lu eshi tadi kondjo; ngomongula oshi-ngudu sha teka po (Turnhalle, ee-ngudu daKerina, Turnhalle Alliance, Swapo D) odo da popiwa nawa ku-tya odovakengeleli.

(i) Oififahoni yokushiivika oulai oyo nee ei yoshilumbu Steyn tashi ka shekela Sam Nuujoma pomudingonoko opo a dalelwa, nde ovanhu ova panda ashi-ke. Tu lungameneni okushiivika oulai, SWAPO haye a tota po oukondjeli-manguluko. SWAPO okwa shikula oshinima sha ningwa nohashi ningwa fiyo onena koiwana aishe mounyuni.

(j) Otwa itavelifwa kutya vati ovalaule itatu dulu okulipangela. Vati ohatu li dipaa ngaashi muAngola. Ngeenge okulidipaa taku uya, itaku uya nande molwovalaule, Vali Angola ina lwa nande efimbo li fike poiwana yovati-lyane muEuropa. Imwe oya lwa ee-dula 80 ngaashi ooSpania imwe oya dipaafana, ovanhu emiliona, ngaa-shi Ovandowishi mokulwifa oiwana ikwao, ngaashi Israeli.

(k) Paife ohatu hongwa tu itavele kutya eengeleka odo ovatondi vovakwashi-wana vati ohadi popile SWAPO mouwa. Apa osha li nee sha wana okulonga omupangeli wetu kutya Ka-lunga ota popi "oudjuu" woshiwana eshi mokanya keengeleka, shaashi ee-ngeleka itadi wilikwa kooDe Vries, kooKoppmann kooAuala nooWinter, ndele okuKristus mwene.

(f) Otwa itavelifwa kutya S.Africa oye epangelo twa pewa kuKalunga, na-nde S.Africa oye omupandala oo ina hala okudulika (okweefa SWA/Namibia) koveta yehanganano IEpangelo lounyuni (VVO), ehanganano eli la tu-lwa po kOunyuni pawiliko laKalunga, okupotokonona omikundu dounyuni aushe.

N. Tweshiihalela.

## OMBAYE OYA FA MASERU

Suidwes pwaa na Ombaye, ongaashi naanaa Lesotho kee na Maseru, osho omukalelipo gwaLesotho kligwanahanga-no omusamane Joseph Kotsokoane a popi omasiku ngaka, manga inaa ya ku-New York. Okwa ti etompelo ndyoka sho Suid-Africa inaa hala okweetha O-mbaye, omolwashoka okwa hala a ninge Suidwes oshilongitho she.

## EHAPUPALO LOVANHU KOMBADA YEDU

Omundokotola Rafael Salas oo eli omuwiliki woshikondo shoinima yoiwana mOiwanahangano (VVO) okwa tonga ta ti apa ngoo ournyuni u tila kexulilo lefelemudo eli, omuvalu wovanhu kombanda yedu otau ka fika peemiliona 5 800.

Pavalulo lomundokotola oo, ovanhu kombada yedu paife otava valwa ve fike peemiliona 4 000, ndele ota ti shiimba konima yomido 22 omuvalu oo otau ka kala wa londa neemiliona 1 800.

Mefatululo laye omundokotola Salas okwa twikila ta ti, omadu amwe ngaashi China naIndia otaa ka kala novanhu ve dulife peemiliona 1 000, mangha Pakistan naMexiko taa kala vali novanhu ve dulife peemiliona 100 mukesho limwe lao. Omadu makwao 27, inaa tumbulwa komadina okwa ti otaa ka kala novanhu ve dule eemiliona 50.

Oshilando Mexiko shoovene, osho shi na nale ovanhu vahapu mounyuni aushe, kexulilo lefelemudo, omunongononi ou okwa ti otashi ka kala novanhu va hanga peemiliona 31,6 ofimbo Tokio shi na eemiliona 26 naKairo eemiliona 16,3 osho a mona pavalulo laye.

Omundokotola Salas pavalulo olo a yandja, vati oku na nee etomhelo la wana lokutya omolwashike ta kumaida omapangelo oilongo oyo ya putuka a kenda bale nokunipika omadalo اونونا. Oku wete va ti kutya oilongo ile omadu eli ngaho komesho itaa ka dula okupalula ovanhu noku va sha kenifila efiloshisho alishe longhalamwenyo yavo. Opwa konekwa ngaho momadu amwe omo omadalo اونونا a kuluka neepelesenda 15-20.

MuAfrika lilaula (Black Afrika) vati opa konekiwa ashike kutya omadalo اونونا okwa londa pombada netomhelo vati oli li opo eshi oukalinawa nefiloshisho lounona la wapalekwa. Opwa konekiwa vali osho kutya nonando mounyuni kwa li pa diladilwa kutya oudu woMalaria owa kombwa ko kombada yedu, paife owa nyaa keonga notau kufa po اونونا vahapu.

Ounona ovo ihava mono epalulo lawana, ovo unene hava kwatwa noupu kuMalaria osho yo komadu amwe e lili noku lili. MuAfrika paife va ti omwa konekwa mu na اونونا ve fike peemiliona 400.

Kombinga yengabeko loludalo omundokotola Salas ota ti mounyuni oku na ngaho omadidiliko moshinima eshi taa etifa eenghono. Momadu 8 aeke omomadu 144 oo a putuka, okwa paka omangalati mondjila yediladilo lengabeko loludalo, ofimbo makwao 82 omwao, a yambidida ediladilo olo.

## ETAAMBO LYAAPANGI MONANDJOKWE

**Aalongwa aape Aapangi (Pupil Nurses) otaa ka taambwa mOnandjokwe 1979. Mboka taa ka taambwa oomboka ya pita owala o Form III.**

**Opo u wape okutaambwa kala wa tuma iinima tayi landula mpa:**

- 1. Ombapila yeindilo lyomosikola.**
- 2. Onzapo yetatamumvo (June) yoForm III nenge oForm III sertifikaat ngoka wa pita nale nookuli.**
- 3. Ombapila yegongalo lyeni (ONTOKELE).**

**Ayihe mbika naye kale ya thika kOnandjokwe mangwa 16 gaKotoba nuumvo (1978) inaa li thika.**

**Omukuluntu gwosikola  
Private Bag 2016  
ONDANGWA  
9270**

## FUPIPIKA OLUVALO JUNONA OTAU LI SHIKE?

Fupipika, ngambeka oluvalo, omulombweli nomulombwelwa oya fa inaa tala omautho gaKalunga peshito, kutya Kalunga okwa ti shike mokulombwela aantu yotango.

Omuwa nokwa yambeke Noa nokwa ti: "Valathaneni oluvalo, indjipaleni, nevi mu li udhithe aantu." 1 Mos.9:1.

Omufupipiki gwoluvalo oshipango shaKalunga owe shi piti peni? Sho wa taamba okungambeka? Ngoye omulombweli gwomufupipiki gwoluvalo?

"Ila u ya lile ndje aantu mbaka, oshoka oyo ye vule ndje, pamwe tandi ya sindi, notandi ya tidha moshilongo. Ongame ondi ku shi, oongoka to mu yambeke, okwa yambekwa, naangoka to mu thingi, okwa thingwa." 4 Mos.22:6.

Balak naBileyam oya kundathana ngaka. Balak okwa tila oshigwana shaKalunga, ihe Ombimbeli otayi ti:

"Ngashingeyi Israeli, pulakena oompango noondjuutho, tandi dhi mu longo, opo mu kale padho, mu kale mu na omwenyo, ne mu kale mu na oshilongo shika Omuwa Kalunga kookuku yeni, te shi mu pe." 5 Mos.4:1.

Tala eutho lyaKalunga u li gwanithe. Kotoka waa tse ondumbo nalyo, oshoka olyo olyu uka, hela Kalunga mwene eli gandja.

Ev. Werner Amuaalua

## OKAMBONGELEKA KOSHINDONGA KA HOLOKA

Mositola yOmambo omwa holoka ngashingeyi okambongeleka kOshindonga, hoka ka pwi le mo petameko lyomumvo.

Ngoka wa hupile ko oku ki ilandela, ila u ki ilandele ngashingeyi. Otaku gu R1.10 adhike.

## OMUKWETU

Oye oshifo shOngeleka Onkwaevangeli pa-Luther yomOwambokavango. Oha nyanyangidhwa mOshinyanyangidho shOngeleka mOniipa. Omukuluntu gwoshifo omumbisofi dr. Leonard Auula. Amushanga Ambrosius W. Amutenja. Ondando yOmukwetu komumvo muAfrika R 2-00, kombanda yomafuta R 4-00. Omambesitelo pamwe noondando naga tumwe kOmukwetu Oniipa, P/B. 2013 Ondangwa 9270

OWAMBOKAVANGO CHURCH PRESS  
ONIIPA P/BAG 2013 ONDANGWA 9270